



REPUBLIKA E KOSOVES-REPUBLIKA KOSOVA REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO

Pranuar / Dorezuar Punimjen/Prodato Received/Delivered	26.01.2021	viti god year	2021
Organ./Njësia Organ./Jedinica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKIMSKK	312/2021		114



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.427/2020

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave, i përbërë nga: Jeton Koca-kryetar, Malsore Gashi-Bajraktari dhe Eshref Shabani, anëtarë, si dhe Ilire Mehmeti-Shaqiri, Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën A.nr. 427/2020, të datës 21.12.2020, të parashtruar nga me adresë banimi Rr. "Gjinollve" Nr.30, Komuna e Gjilanit, kundër organit të punësimit Ministria e Infrastrukturës, në çështjen juridike "kërkesë nga marrëdhënia e punës", duke vepruar në pajtim me nenin 6 paragrafi 1 nën paragrafi 1.1, dhe nenin 18 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.03/2018 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 26.01.2021, mori këtë:

V E N D I M

REFUZOHET si e pa bazuar ankesa me numër A.nr.427/2020 e datës 21.12.2020, e parashtruar nga ankuesja

A r s y e t i m

Ankuesja me datë 21.12.2020 ka parashtruar ankesë me numër protokollit 3232/2020 të regjistruar me numër A.nr.427/2020, në Këshillin e Pavarur Mbikëqyrës për Shërbimin Civil të Kosovës, me pretendimin ankimore se i plotëson kushtet ligjore për deklarin e statusit të nëpunësit civil, sipas nenit 8 lidhur me nenin 83 paragrafi 2 dhe 3 të Ligjit NR.06/L-114 për Zyrtarët Publik, dhe nenit 4 paragrafi 3 dhe 4 të Rregullores NR.10/2020 për Deklarimin e Statusit të Zyrtarëve Publikë.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosjen e Ankesave, me datë 24.12.2020, ka dërguar kërkesën për përgjigje në ankesë të ankuesit në Ministrinë e

Infrastrukturës, Këshilli me datën 28.12.2020 ka pranuar përgjigje në ankesë nga Ministria e Infrastrukturës, bashkë me shkresat e bashkëngjitura të lëndës.

Kolegji për Shqyrtimin e Ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova: Ankesën A.nr.427/2020 të datës 21.12.2020 drejtuar Këshillit të Pavarur Mbikëqyrës për Shërbim Civil të Kosovës: Marrëveshja për kryerjen e shërbimeve te veçanta prej datës 30.06.2020 deri me datën 29.11.2020: Vërtetimi i marrëdhënies se punës i datës 02.07.2020 me numër te protokollit 4798: Marrëveshja për kryerjen e shërbimeve te veçanta prej datës 01.07.2018 deri me datën 31.12.2018: Marrëveshja për Shërbime te veçanta prej datës 31.12.2018 deri me datën 30.06.2019: Marrëveshja për Shërbime te veçanta prej satës 01.07.2019 deri me datën 31.12.2019: Marrëveshja për Shërbime te veçanta prej datës 01.01.2020 deri me datën 30.06.2020: Diploma e datës 27.05.2014 e kandidatës me tre cilin mori titullin Buchelore për Menaxhimet dhe Informatikë: Diploma e datës 12.04.2018 e kandidatës me te cilin mori titullin Mastar i Shkencave Ekonomike ne Ndërmarrësi dhe Zhvillim Ekonomik Lokal: Kërkesa për përgjigje ne ankesë e datës 24.12.2020: Përgjigja ne anekse e datës 28.12.2020: Rishpallja për konkursin publik: Njoftimi për kandidatin e përzgjedhur: Emali i datës 20.06.2020: Form MAP-SHCK-04: Rishpallja e konkursit në gazetën zyrtare: Vendim për Emërimin e komisionit përzgjedhës: Emali i datës 24.05.2018: Emali i datës 23.05.2018: Lista për përzgjedhjen e ngushte: Form.MAP-SHCK-10: Form.MAP-SHCK-09: Form.MAP-SHCK-11: Form.MAP-SHCK-07: Form.MAP-SHCK-05: Aprovimi mbi Përzgjedhjen e Kandidati: Njoftimi i datës 20.06.2018 për kandidatin e suksesshëm: Liste distribuomi i datës 29.05.2018: Form.MAP-SHCK-08: Kërkesa për punësim e kandidatës se përzgjedhur: Dokumenti i identifikimit për kandidaten e përzgjedhur: Kontratat e punës për kohe te caktuar e datës 30.04.2015: Referencë e muajit Dhjetore te vitit 2015: Pasqyra e llogaris: Formulari për vlerësimin e rezultateve ne pune nga data 13.07.2017-31.12.2017: Njoftimi i kandidateve për testim nga përzgjedhja e ngushtë: Emali i datës 24.05.2018: Emali i datës 20.06.2018:

Kolegji për Shqyrtimin e Ankesave, pasi ka shqyrtuar të gjitha shkresat e parashtruar nga palët, ka konstatuar se ankesa e ankueses, *është e pa bazuar sepse:*

Bazuar në shkresat e lëndës, është konstatuar se ankuesja, ka krijuar marrëdhënie kontraktuale përmes Marrëveshjeve për Shërbime të Veçanta, me Ministrinë e Infrastrukturës në pozitën "Zyrtare për Strategji, Politikat e Aviacionit Civil dhe Statistikat", për periudhat kohore: 01.07.2018-31.12.2018; 31.12.2018-30.06.2019; 01.07.2019-31.12.2019; 01.01.2020-30.06.2020; dhe 30.06.2020-29.11.2020. U.d Udhëheqësja e Divizionit të Personelit në Ministrinë e Infrastrukturës ka deklaruar në përgjigjen në ankesë të datës 28.12.2020 se nuk ka pasur ankuesja asnjë vlerësim gjatë periudhës sa ka qenë në marrëdhënie pune në Ministrinë e Infrastrukturës.

Kolegji për Shqyrtimin e Ankesave, lidhur me pretendimet ankimore te ankueses, ka analizuar dispozitat e Ligjit Nr.06/L-114 për Zyrtarët Publikë, përkatësisht nenin 83 paragrafi 2 ku përcaktohet se: *Një punonjës aktual, që nuk e ka statusin e nëpunësit civil sipas Ligjit të Shërbimit Civil (03/L-149), por që e mbanë një pozitë, e cila është pozitë e Shërbimit Civil për nga funksionet dhe përgjegjësitë sipas nenit 2, paragrafit 3 të këtij ligji, do të emërohet si*




nëpunës civil sipas këtij ligji, nëse i plotëson këto kushte: 2.1. ka qenë në marrëdhënie pune në një institucion të administratës shtetërore apo në një institucion tjetër shtetëror së paku dy vjetët e fundit para hyrjes në fuqi të këtij ligji; 2.2. i plotëson kërkesat e nenit 8 të këtij ligji, dhe 2.3. është vlerësuar për rezultatet në punë në këto dy vjet të paktën "mirë", dhe si rrjedhojë vlerëson se një punonjës aktual i cili nuk e ka statusin e nëpunësit civil sipas Ligjit Nr.03/L-149 për Shërbimin Civil, por që e mban një pozitë, e cila është pozitë e Shërbimit Civil për nga funksionet dhe përgjegjësitë, mund të emërohet në Shërbimin Civil, nëse punonjësi aktual ka qenë në marrëdhënie pune të themeluar sipas një akti të rregullt juridik respektivisht të ketë krijuar marrëdhënie pune të karakterit juridiko-administrativ, në një institucion të administratës shtetërore apo në një institucion tjetër shtetëror së paku dy vjetët e fundit para hyrjes në fuqi të këtij ligji, si dhe të jenë plotësuar kushtet e përgjithshme dhe të veçanta të përcaktuara me dispozitat e nenit 8 të Ligjit Nr.06/L-114 për Zyrtarët Publikë, ku parashihet se: Kërkesat e përgjithshme për pranimin e zyrtarëve publikë janë: 1.1. të jetë shtetas i Republikës së Kosovës; 1.2. të ketë zotësi të plotë për të vepruar; 1.3. të zotërojë njërën nga gjuhët zyrtare, në pajtim me Ligjin për Gjuhët; 1.4. të jetë i aftë në pikëpamje shëndetësore për të kryer detyrën përkatëse; 1.5. të mos jetë i dënuar me vendim të formës së prerë për kryerjen e një vepre penale me dashje; 1.6. të mos ketë në fuqi një masë disiplinore për largim nga një pozitë e zyrtarit publik, të pushuar sipas këtij ligji. 2. Përveç kushteve që parashikohen në paragrafin 1 të këtij neni, kandidatët, për t'u pranuar si nëpunës civilë, nëpunës të Shërbimit Publik dhe nëpunës administrativ dhe mbështetës, duhet t'i plotësojnë edhe këto kërkesa: 2.1. të kenë nivelin e arsimit dhe përvojën e punës të kërkuar për pozitën, kategorinë, klasën apo grupin përkatës; dhe 2.2. të kalojnë me sukses procedurat e pranimit, sipas këtij ligji.

Andaj, duke marr parasysh se ankuesja nuk ka krijuar marrëdhënie pune të natyrës juridike-administrative, por një marrëdhënie kontraktuale me qëllim të ofrimit të shërbimeve të veçanta për një periudhë të caktuar kohore, ashtu siç parashihej me nenin 12 paragrafi 4 të Ligjit të Nr.03/L-149 për Shërbimin Civil, ku përcaktohej se: *Emërimet me afat të caktuar për një periudhë më të shkurtër se gjashtë (6) muaj do të bëhen në bazë të kontratave të quajtura "Marrëveshje për shërbime të veçanta" të cilat i nënshtrohen Ligjit për Detyrimet dhe për të cilat zbatohet një procedurë e thjeshtësuar e rekrutimit, si dhe duke u bazuar në nenin 84, paragrafi 1 të Ligjit Nr. 06/L-114 për Zyrtarët Publikë, ku përcaktohet se: "Marrëveshjet për shërbime të veçanta, sipas paragrafit 4 të nenit 12 të Ligjit të Shërbimit Civil Nr.03/L-149 të Republikës së Kosovës, të lidhura para hyrjes në fuqi të këtij ligji, janë të vlefshme deri në afatin e përcaktuar në ato marrëveshje në pajtim me dispozitat e lartcekura. Pas kësaj periudhe, marrëveshjet për shërbimet e veçanta lidhen sipas legjislacionit përkatës të prokurimit publik".* Kolegji për Shqyrtimin e Ankesave, vlerëson se ankuesja nuk i ka plotësuar kushtet ligjore që t'i njihet statusi i nëpunësit civil, dhe si rrjedhojë pretendimet ankimore të ankuses janë të pa bazuara.

Kolegji për Shqyrtimin e Ankesave pas vërtetimit të drejtë dhe të plotë të gjendjes faktike si dhe konstatimit të bazës juridike, duke u bazuar në kompetencën e Këshillit, vendosi si në dispozitiv të këtij vendimi.

Vendimi hyn në fuqi në ditën e nënshkrimit nga Kryetari i Kolegjit.



Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.427/2020

Ilire Mehmeti-Shaqiri

pr. Beletolaj
Procesmbajtëse



Vendimi i dërgohet:

- Ankueses;
- Sekretarit të Përgjithshëm të Ministrisë së Infrastrukturës;
- Udhëheqësit të Personelit në Ministrinë e Infrastrukturës;
- Arkivit të KPMSHCK-së .

